

Kraków
Biblioteka Jagiellońska, ul. św. Anny
1. 12.



Орган Лемковского Союза

Выходит в каждый четверг.

Редакция и администрация в Крыниці. — Адрес „Лемко“ Крыница.

Пренумерата в краю:

30 грошей місячно,
80 „ квартално,
1.50 „ полрочно,
3 зл. рочно.

В Америкі: 1 дол. рочно.

В Чехословакии:
2 кор. місячно, 10 кор. полрочно,
20 кор. рочно.

Ціны оголошень:

Ціла сторона 120 зл., $\frac{1}{2}$ сторони 60 зл., $\frac{1}{4}$ сторони 35 зл., $\frac{1}{8}$ стор. 20 зл., $\frac{1}{16}$ стор. 10 зл.; оголошення малы за 1 мм. 20 гр., в тексті 30 гр., перед текстом 40 гр. При місячном и долшом оголошеню значна знижка.

Кonto чекове Нр. 404.155.

Так не можна!

Редакция достала допись о смутном инциденті, який мал місце в сыропушту неділю в Милику ново-сандецкого повіта. Дописи той не можеме помістити со взглядов принципиальных. Так поступати не можна и о том писали мы уж в попереднем числі „Лемка“.

Час заказаний, в котром Церков заборонят уряджати весіля и забавы, зачинат ся в гр. кат. обряді уж от мясопустной неділі и кто уряджат забавы в часі позднійшом, тот понознят гріх. Священник в таких случаях ест обовязаний выступити в обороні принципов Церкви и того не можна брати ему за зле, а тым больше, не можна его ображати.

Не можеме стояти на становищі, же все, што робит человек других переконань, ест зле, бо бы мы зашли там, где зашли украинцы, котры в міру потребности не цофают ся перед ничим, лем бодай добити ся своих цілей. Они, як то пишем на другом місци, могут и убити человека, (убийство пок. Юрия Казя с Радошиц), если уважают, же через морд и убийство, поширят свои украинофильскы влияния. Мы того не робили николи и не робим в будущем.

Здаеме собі справу с того, же гдеяким нашим читателям може ся наш погляд не спо-

добати, але тым мусиме отвітити, же мы николи не гнали ся за дешевом популярностю, але все пишем так, як нам приказує наша совість. Часть людей читат найрадше такую газету, котра все ганит и на всіх нападат.

Але подумайме кус над тым, што за користь маме с такой газеты. Она похвалят всякы бандытскы напады, чернит других людей, ганит порядки в краю, але николи не подає способов, як бы злу запобічи и як бы отрясти ся с біды; така газета николи не хоче, штобы біда ся скончила, бо на кого втотчас могла бы гавкати? Ёй хліб бы ся скончил и газетяры мусили бы замкнути буду и глядати иншого хліба.

Прото тыж в таких газетах не найде ся николи слова, завывающего до згоды, до лучшего труда и до любви, а натоміст там будут хвалити каждый бандытизм, лем бодай зробили его сторонники газеты.

Они выходят с основания, же не моральна вартость членов партии, а ей число, дає силу партии. Мы такой силы не хочеме. Наша сила мусит быти основана на твердой скалі, а том скалом ест религия, моральность, любовь всего своего и пошановане чужого.

— :: —

вожков-криминалистов зловено и розстріляно, а решта счезла.

Инши два батальоны не хотіли ся дальше школити и зажадали повороту до вязниц. Проводыров бунту розстріляно.

Страшна катастрофа в школі в Америкі.

В Новом Лондоні в державі Тексас в Полн. Америкі мала місце дня 18. т. м. небывала катастрофа, котра потягнула за собой смерть около 500 дітей.

В місцевой школі, до котрой ходило 1.200 дітей, последовал взрыв, котрый збурил цілый будынок. С под розвалин выдобыто 455-еро дітей убитых и 94 тяжко раненых, двое людей не найдено.

Несчастье притрафило ся в часі пополудневых лекций. Никто не здає собі справы с того, што ся стало. Дом захвіял ся, а пак почали валити ся стіны. Родичи несчастных дітей шмарили ся на розвалины, перешмаряючи безпильново зломы муров и глядаючи своих дітей. На розвалинах происходили страшны сцены. Случало ся, же дві або и три матери познавали в обезображенных тілах свою дитину и доходило меже нима до звады. Гдеякы родины втратили в катастрофі по двое, трое або и четверо дітей.

Причина катастрофы ест до тепер невыяснена. Одны предполагают, же взрыв повстал в котловні центрального огрівания, где сорвало котел. Инши сут мніня, же до котловні достали ся земны газы (Тексас ест краєм нефти и земных газов) и они запалили ся от огня под котлами и высадили школу в повітре, а ище инши досмотрюют ся причины катастрофы в выбуху нитроглицерины, яка мала ся находити в лаборатории той школы.

С войны в Испании.

В последнем тыждні переняли инициативу боев в Испании войска правительственны. С фронту Гуадалаяра доносят о сильной офенсы правительственных войск, котры ро-споряджают змоторизованым отрядами, легкым и тяжкым чолгами и панцерным самоходами.

Комуникаты повстанчи доносят, же атакы были отперты, натоміст комуникаты правительственны доносят о великих успехах червеных войск, котры опановали значны терены и взяли много людей до неволі. Бой под Грикнега мал особенный характер. Там били ся италияны против италиянов. Міста боронила италиянска дивизия, а атаквала дивизия Гарибальдиного, складаюча ся с италиянскы противфашистов.

Комуникат правительственный подає, же отворот повстанчих войск приберат гдекаді характер утечи. Ген. Франко мал выслати сильны отряды мароканцов и фалангистов к місточку Гаянеос, где концентрируют ся повстанчи войска. Там віроятно прийде до рішительного боя меже противниками.

Бандытскы батальоны в войні в Испании.

Испанскы газеты доносят, же испанске правительство амнистиовало всіх криминальных преступников, котры заявили охоту записати ся до червеной милиции. С тых криминалистов утворено в Мадрыті 3 батальоны. Один с тых батальонов по вышколеню выслано на фронт, але там он розбіжал ся. Часть

Як заповідат ся урожай в том році.

Ведля донесенъ Рольных Палат, тогорочный урожай хліба, ярин и овощей заповідат ся слабо. Спричинила того безсніжна зима, великы морозы и наглы перемены температуры. Если иде о озимины, то часть их вымерзла. Все однако зависит от того, яка буде погода в квітні и маю.

О што б'ють ся в Іспанії.

Уж перешло пол року иде завзята братоубийственна война в Іспанії. В войні той той розрушено міста, знищено костелы, розвалено фабрыкы и убито десятки тысяч людей. На перший взгляд може выдати ся дивне, же с таким завзятком бе ся меже собом оден народ. — же так безпощадно ріже брат брата.

И направду, если бы ходило о самых испанов, то напевно тотта война скончила бы ся уж давно. Але в Іспанії б'ють ся два світы меже собом. Там сражат ся интернаціональний комунізм с крайнім націонализмом (фашизмом).

Пригадайме собі, яка ест ріжниця меже комунізмом и фашизмом, а втотчас стане для нас зрозуміле, чом в Іспанії иде така завзята война.

Учителем комунізму был жид Кароль Маркс. В Росії впровадил комунізм Николай Ульянов - Ленин, котрый науку Маркса кус змінил. Тот змінений комунізм названо в Росії большевизмом. Кароль Маркс и Ник. Ленин отвергають віру в Бога и тому оба поставили в своих програмах борбу с віром и с церквом. В Росії, як лем комуністы захватили в свои руки власть, начали они нищити церкви и убивати священников. Тото само повторило ся в Іспанії, где также комуністы нищат безпощадно костелы и монастыры и убивають их служителей.

Комуністы не признають приватной власности. Всьо, што ест, земля, дома, фабрыкы, склепы и т. д. ест власностью державы и правительство ест одыноким господаром цілого маєтку находячого ся в державі, а населене державі, то лем роботники. Никто не може мати ниякого маєтку и всі жителі мають быти пролетаріями — бідными, котры достають потрібны річи от правительства.

Початково не признавали они совсем грошей, а давали лем людям товары, але того оказало ся непрактичне и тепер роботники достають за роботу гроши, але лем на папері, бо направду, то заряд работы потручат роботникам за помешканє, опал, поживу и одежу и роботник с зароблєных грошей не достає на руку нич.

Таксамо ест и на селі. Газда не має свого власного ґрунту, лем робит в т. зв. „колхозах” и „совхозах” яко роботник и мусит одати хліб правительству, котре ним заряджат, як своим добром. Зрозуміла річ, же при так поставленной справі никто на селі не пильнує барз работы в поли и послідствия сут такы, же в Росії, котра до войны могла выкормити половину світа, тепер нерідко доходить до голода.

Комунізм не признає націоналізма. Для комуніста ест всьо равнo, ци то руснак, поляк, жид, німець, цыган и так дальше, лем бодай был комуністом.

Центром комунізму ест Росія. С Росії розсходять ся агитаторы, котры поширяють в інших краях идеи комунізма, понятно лем серед малообразованных мас народа, бо мудріиши розбєрають ся в ложной науці комунізма и не слухають комуністичного обмана.

Початково большевики мечтали о том, же удасть ся им запровадити комуністичный порядок в інших краях. Им удало ся захватити власть на Венгрії, где жид Беля Кун оголосил себе диктатором. Але в Венгрії народ скоро порозуміл, што большевизм несе ему

рабство, сорганизовал ся и прогнал Куна.

Роблено также пробы засадити комунізм в Німеччині и Італії, але даремно. Там побідил крайній націоналізм, котрый ест чимси совсем противоположным комунізму, бо коли комунізм прийняв за свой клич: „пролетаріи всіх краєв лучше ся”, то націоналісты в Німеччині и фашисты в Італії кричат: „Народы лучше ся”.

Тоты кличи говорят сами, до чого стремят комуністы и што хотят націоналісты. Комуністы хотят захватити в свои руки цілый світ и запровадити в світі большевицкый порядок, рабство и безбожие, а націоналісты стремят до того, штобы каждый народ рядил ся сам на началах равенства и свободы.

То с'ють тепер дві найбільши сили на сві-

Нова жертва украинского бандытизма.

„Як би українці були мудрі, то би по одному убивали кацапів”. Такы слова мала сказати жена священника - українця, Елена Макар с Радошиц, леского повіта до члена чит. им. М. Качковского с Радошиц, Илька Творица.

Нич дивного, же нашол ся охотник на такую „культурну” роботу, бо якже не послуха-

ти, котры ведуть меже собом завзяту войну. Тереном той войны ест Іспанія, где комуністы захватили власть, сорганизовали соціалістично - комуністичне правительство и начали переводити большевицкы системы. Против ним выступили націоналісты под начальством ген. Франко.

Комуністов поддерживають комуністы всіх краєв, а передовсем Росія, націоналістам помагат в першій мірі Німеччина и Італія. Як с того видно, в испанской войні б'ють ся по обох сторонах не самы испанцы, а воюють там по одной и другой стороні приклонники комунізма и націоналізма всіх великих держав.

Який оборот возме революція в Іспанії, трудно предвидіти. В каждом разі вышла она уж давно поза межи домашной испанской войны и може легко замінити ся в світову войну меже комуністами и крайнім націоналізмом.



Бл. п. ЮРИЙ КАЗЬО
жертва украинского бандытизма.

ти єймості. Преця то не проста баба таке говорить, але особа вчена, котра знає, што добре и зле.

Нашол ся бандыт, котрый подступным способом, трох-кратным вбитєм ножа в серд-

це, убил Юрия Казя с Радошиц, члена и каєспера чит. им. Михаила Качковского, чоловіка молодого, бо всього 29-літнього, стойкого и честного патриота, — душу читальні им. М. Качковского — и предводителя нашої молодєжи в Радошицах.

Убил єго на весілю у родных пок. Юрия Казя, где непростений пришо, видно лем по тому, штобы довершити своего преступного діла. Обрадовала ся напевно єймость, обрадовал ся также и другий радошицкий „просвітник”, Михаил Ляховский, котрый уж передом сказав, што „Казя до року мусят чорты взяти”, але заплакали всі честны людє с Радошиц и окрестности и дали выраз своему жалю на похоронах покойного мученика, в котром приняло участь понад 500 людей с Радошиц, Ославицы, Лупкова, Зубенского, Смольника и других сел, а на гробі зложено 7 вінков от институцій и приватных людей.

Тоты толпы людей, непростены через ниякого, то доказ правдивого жалю по утраті героя - мученика, а также — то осуд убийцы, Ивана Шаночки и цілой шайки украинських хуліганов разом с их предводителями.

Погыб мученик Юрий Казьо, але остала память єго честных діл. Той памяті не потрафит убити злоба и ненависть „просвітников” и тотта памят буде серед нашого народа вічна.

Штоси ся псує меже Берлином и Відньом.

Меже Німеччином и Австриом пришло до нового непорозумлєня. Причином того конфликта сут вісти в австрийских газетах, же в Німеччині діє ся зле и же там сут бунты роботников, за котры арестують тысячи людей и т. д. Одна австрийська газета подала, же в Німеччині дошло до того, же знимають с домов рынвы, бо потребують бляхы цынковой на ціли военны.

Німецькы газеты выступают остро против таким вістям, подаваным в австрийских газетах и зашмаряють австрийскому правительству, же оно нич не робит, штобы противділати такой юдительной кампанії.

Тымчасом канцлер Шушнит не лем не заборонят газетам писати на Німеччину, але ище усунул министра безпеченства Штюрмера, котрый был знаний, яко сторонник Гітлера, а ресорт тот приділил собі. Тото доказує уж

ясно, же Австрія хоче унезалежнити ся совсем от Німеччины и Гітлера при одночасном зближеню ся с мадярами, где перед пару днями здавлено также пробы гітлеровского замаху стану.

Теперешне положєнє в Австрії може мати рішающий вплив на отношеня меже Німеччином и Італиом, котра понерат Австрію против Берлинови.

Противяпонске повстанє в Кытаю. Газета „Шуньбао” доносить, же в провинции Жехе в районі Тунляо, начало ся противяпонске повстанє селян. Для здавления того повстаня завозвано японско-манджурскы войска из Манджу-Го. Идут сильны бои, в котрых по стороні повстанцов принимают участь также женщины.

Нищенє шкодников в садах.

В садах розмножують ся нераз розмаиты мушки и хробачки так масово, же выряджають они великы шкоды. Перед тьма шкодниками трудно єст ся оборонити. Боронят перед ними крыляты приятелі каждого садовника — пташки, але тых звичайно єст мало в наших садах и огородах. Прото тьж треба конечно уживати средств предохраненных, котры бы не допускали до розмноженя ся шкодливых оवादов в садах.

Найдешевшим и наимевнейшим средством, котре хоронит сады перед розмноженем ся шкодников єст зимущие и передвесняне обливанє овочевых дерев такыма течами, котры нищат яичка и зимуючы куклы, гусеницы и розвинены овады, в том часі, коли тоты овады не пробудят ся ище со зимового сну. Опрыскати дерева треба аджек вчас на весну, коли так дерева, як и находячи ся на них шкодники сут ище в положеню зимового сну.

Серед розмаитых средств, котры сут захваляны, на першом місци належит поставити садовнику карболину Д. К. М., котра уби-ват яичка и куклы всіх шкодливых оवादов, а также нищит старый дубок, мох и поросты на деревах запущеных и занедбанных.

Карболина дає добры и певны результаты, если на 100 литров воды даме 5 литров карболины, хоц уживають также 3% карболины. Карболина при змішаню с водой творит теч сіро-молочну, звану емульсией. При опрысканю дерев карболинова емульсия творит вокруг тіла оवादов и яичок поволочку, котра не допускат до них воздух, впоследствии чого овады мусят выгинути.

Штобы однак осягнути добры результаты, треба точно и обильно зросити дерева, штобы выглядали як вымыты. Не можна скрапяти як будь, бо результат не буде полный. Велике значенє має выбор дня, в котром скрапьяме дерева. Опрыскивати дерева можна лем в такой день сонечный, коли ніт морозу и вітру и коли дерева сут сухы. Если скропиме дерева в часі морозу або вітру, то теч замерзне на галузях и пняках дерев, а вітер не позволит зросити равномерно ціле дерево. Если дерева будут мокры, то карболина через змі-

шанє ся с водой, роспуцат ся и стає ся слабша, а тым самым и меньше успішна.

С того видно, же в цілі точного и успішного опрысканя дерев треба выбрати отвітне средство и отвітный час. Работа тота, на око легка, выматат однак от газды зрозумленя и примінєня ся до выше поданных рад, бо в противном случаю будут лем наріканя на неуспішность средства.

При опрыскиваню дерев на весну, треба уважати, же карболины можна уживати лем в часі, коли дерева ище не розвивають ся, бо карболина нищит пучки. Таксамо в осени можна уживати карболины аж втотчас, як листе опаде. На весні найотвітнійшим часом єст конец марта, або початок квітня.

Берме ся до нищеня мишей.

О том, же мышь єст шкодником, знає каждый, але неоден не здає собі справы с того, же мыши в великих масах выряджають людям шкоды, идучи в тысячи золотых.

В р. 1930 в одном німецком селі Ольденбургу обчислено шкоды, выряджены тьма малыма грызунами на 696 тысяч марок. Мыши знищили там не лем засівы, але и пасовиска. В другом селі селяне понесли втрату с причины мишей в высоті 4 тысяч марок. Приміров таких можна бы было напровадити много. Змушають они до звертаня увагы на тых малых шкодников. Борбу с ними треба вести втотчас, коли они не розмножили ся ище масово, бо пак єст она трудна. Штобы собі того добре уявити, треба знати, же одна пара мишей розмножат ся в 15-ох місяцах до 500 штук.

Борба с мышами мусит быти ведена каждого року пляново, зборно и организованно, бо як лем в гдеяком селі найдут ся пространства, на котрых не нищит ся мышей и тым самым позвалят ся им множити, то с тых пространств будут они єтало переходити до инших, ведучи стало свою нищительну роботу.

Средства, якими нищиме мыши, сут різны трукты, котры примінєны через всіх, не допусят до розмноженя ся тых шкодников.

В. Хомкович, С. Валевский, М. Вархолик, г. Максимович и т. д. Долше задержала ся диския над справами касы тому, што контрольная комиссия не перевела контролі перед собранєм. По уділеню абсолютории уступающей управі выбрано нову в слідуячом составі: предс. Василий Хомкович, заст. предс. Семан Пацолта, секр. Макс. Вархолик, кас. Макс. Цицїва, библиот. Петро Качор, а заступниками членов управы: Ваньо Кулик и Стефан Колтко. До контрольной комиссии ввошли: Семан Валевский, Вас. Новак и Мих. Хомкович.

С важнійших рішень общего собрания слідує указати: порученє управі в найкоротшом часі перевести в жите ухвалу общего попередного собрания в ділі принятия нового статута О-ва; 2) узисканє для читальні старого дому стоячого безужиточно в громаді и евент. переведенє его ремонта.

С теплым словом до молодежи звернул ся г. Константин Начас с Горлиц, котрый даючи указанє аматорскому кружку взывал всіх до поважной работы в своей читальні, бо еамы лем „музыкы“ то ище за мало.

Под конец собрания г. Максимович подяковал громаді за собраны там для бурси в Гор-

лицах провианты, а нововыбранный председатель г. В. Хомкович подяковал гостям за приїзд на собрание и поучаючи бесіди.

Хоче ся вірити, што нова управа читальні под руководством молодого председателя постарат ся обєднати в читальні ешиткых, так старших досвідченых господарей, як тоже молодеж обовго пола (на собраню был брак женщин!).

Будте увірены, што честном и поважном роботом в читальні вы добете ся успіха и користей для себе и громады.

Щасть Вам Боже!

Присутный.

От Руской Бурсы в Горлицах.

На призыв правления О-ва Руска Бурса в Горлицах о зборі пожертвовань в провиантах для бурси откликнулись и прислали до тепер слідуячи села:

1) **Бортне** — 8.85 зл., $\frac{1}{2}$ сяга дерева, 1 міш. овса, а дерево ище не привезено. Збором и доставом до Горлиц занял ся г. Иван Горбаль.

2) **Прегонина — Бодакы** — 0.20 зл., $\frac{3}{4}$ с. дерева, 100 кг. картошкы и 27 кг. овса. Збором и доставом занял ся г. Осиф Валевский.

3) **Вапенне** — Д. Бубняк, П. Пыж, Е. Желем, Н. Пыж по 2 мішкы картошкы. Привезли П. Пыж и В. Бубняк.

4) **Гладышев** — 24 зл. Збором занял ся г. Осиф Дзюбина.

5) **Климковка** — 525 кг. картошкы, 25 кг. бураков и 33 кг. жита. Збором заняли ся Вас. Гудак (молод.) и Иван Коробчак. Векши пожертв. дали Е. Федорчак и Тер. Андрейчик.

6) **Лосє** — (кромі оголошєных) — 6 зл. Дерева ище не привезено. Збором занял ся предс. г. В. Рогоц. Поза збором $\frac{1}{4}$ с. дерева привез г. Василь Евусяк.

7) **Мацина Вел.** — 2.50 зл. Збором занял ся г. Лев Желем.

8) **Розділє** — 6.70 зл., 800 кг. картошкы и 35 кг. жита. Збором и доставом заняли ся г. Юрий Млынар, А. Ванца и Ю. Баюс.

9) **Смерековец** — 14.35 зл., в том читальня 3 зл., кооператив 5 зл., а більшы жертвы: Д. Златыканич, С. Цюрик, Г. Станчак, Пыртей и т. д. Деревы ище не привезено.

10) **Снітница — Ставиша** — 11.65 зл. (в том 43 кг. овса). Збор перевел г. В. Бочньович.

Одноразово на бурсу пожертвовали слідуячи особы: Ексц. о. др. Я. Медвецкий 20 зл., г. Ник. Кинашевич, Варшава — 10 зл. и проф. В. Кордасевич, Олькуш — 5 зл.

Кромі того стало що місяця жертвуют на „Фонд удержания бідного ученика“: г. Захарий Станчак, Смерековец по 5 зл.; г. Н. Юрковский, Сквиртне по 2 зл.; Ольга Фучила, Завадка по 1.50 зл.; г. Тимотей Фучила, Завадка Рым. по 1.50 зл.; г. Ю. Полошинович, Высова по 1 зл.; Александра Вислоцка, Рыхвалд по 1 зл.; г. Иванна Вислоцка, Пантна по 1 зл.

Вшиткым жертводателям и потрудившим ся при зборі складат правленє О-ва сердечну и глубоко благодарность.

Дальши пожертвованя будут оголошєны.

Правленє О-ва Руска Бурса в Горлицах.

Собрание читальні в Прегонині

В неділю 14. III. т. р. отбыло ся обще собрание членов читальні О-ва им. М. Качковского в Прегонині, горлицкого повіта при участі около 60 членов читальні и гостей. Собранєм руководил г. С. Пацолта, яко председатель и Макс. Вархолик, яко секретар.

Перед нарадами с долшом бесідом выступал г. проф. Максимович с Горлиц. Подчеркнувши ролю О-ва Качковского в культурно-просвітительном житю наших сел, бесідник обговорил задачи читальні подаючи практичні указаня ведєня и скріпленя работы в ней.

Доклад о діяльности читальні за час от 9. VI. 1935 р. (коли-то отновлено читальню) подал уступающий председатель читальні г. Петро Новак. Оказало ся, што читальня устроїла 4 представления, коляду, килька забав, вела хор, заложила библиотеку и т. д. Касове справозданє подал касиєр г. Осиф Валевский: обіцій доход выносил 125.65 зл., а расход (головно на библиотеку) 68.97 зл. так, што сальдо касы в день собрания выносило 56.68 зл.

В дискуссии над докладами забрали голос г. М. Цицїва, М. Хомкович, О. Валевский,

ПОМІЩАЙТЕ
ОГОЛОШЕННЯ
В ГАЗЕТІ „ЛЕМКО“.

Що чути в світі.

Негус вірити ще в Лигу Народов. Генеральний секретаріат Лиги Народов достав от абисинського негуса ноту, в котрій негус виражає протест против розстріляно італійськими властями раса Деста и других видных абисинских діятелей по замаху на італійського вицекороля в Абисинії, Граціяни. Далше негус протестує против масовому убиванню абисинських вояков, взятих до неволі в часі італійсько-абисинської війни. В заключенє негус жадає утворення оддільної комісії для розсмотрення незаконных поступков італійських, окупацийных властей в Абисинії.

Арести в Совітах. Газета „За комуністическое Просвѣщеніє“ перечисляє „врагов народа“, — троцкистов, фашистов и других революционеров, яких выкрито в послѣдних часах на Україні. В числі тых арестованых сунт 2 ректоры университетов (харьковского и одесского), головний український цензор и пару его помощников, начальники и секретары різних урядов, директоры педагогических институтов и много інших. Всіх выкритых контрреволюционеров газета лучит со Скрипником и Шумским и называет их скрытыми агентами німецких фашистов.

Япония увеличат свою флоту. Япония не приступила в лондонскому морскому трактату, бо не хоче ограничить ся до 14-калибровых морских армат. Японцы на своих кораблях дають 16-калибровы арматы и будують великі военны кораблі о 50 тысячах тон. Англицькі газети высказують ся, же то то може спричинити новы выбіжки вооруженя на морі.

Совіты увеличают свои войска. На собранію в ділі обороны Совітов, на котром присутствовало 2.000 комендантов, инженеров, интендантов, лікарей и т. д. выступил с докладом Ворошилов. По его докладі многи бесідники крытыковали недостатки в армии. Собрание ствердило односторонне, же заходить потреба поднести боеву силу червеной армии и всі заведенія и организации, котры робят для армии.

Теч, котра хоронит перед огнем. Цікавий винаход опатентовано в Злученых Державах Полн. Амерыкы. Др. Ричарди с Бруклина вынашол таку теч, котра хоронит легкозапальны материялы перед огнем. Недавно отбыла ся в Нью-Йорку проба в присутствии пожарной сторожи. Течом д-ра Ричарди натерто деревяный домик и находячи ся в середині меблі. Пак хату полило бензином и подпалено. Бензина выпалила ся, але хатка и меблі не запылила ся. Проба зробила на сторожі велике враженє. Она звернула ся до городского заряду, штобы всі дома покрыти том течом.

Вынайдена теч через д-ра Ричарди єст без запаха и без барвы. Крім того дійствує она отстрашаючо на мухы и хробацтво. Вынаход тот маєт отдати до публичного ужитку. Охоронит он в будучности всі дома от огня. Хемичный склад новой субстанции єст незнанный.

Бесідовал 418 годин. С Франции доносят о дивной хвороті, котрой жертвом пал оден селянин с Окаля. Селянин под впливом нервного потрясения почал скоро бесідовати. Не мог ани їсти, ани спати, лем безпрерывно выпускал слова, часом без сенеу. Лікары оказали

ся безрады. Давали ему розманиты лікы, котры однак не помагали, бо хворый не переставал бесідовати. По 418 годинах хворый умер. Секция тіла не выкрыла причин той дивной хвороты, але не подлежит сомнію, же порстала она на почві пораженія якогоси нервного осередка.

Вісти с краю.

Арест члена О. У. Н. В Журавні стрийского повіта арестовано за принадлежность до О. У. Н. и противдержавну діяльність Станислава Федака, управителя молочарні. В р. 1922 Федак зробил замах на Маршала О. Пилсудского и тогдашнего воеводу Грабовского, за што был засуженный на 4 рокы тюрьмы. По отбытію кары выїхал Федак до Чехословакии, откаль вернул в Журавню в р. 1935.

Власти установили, же Федак занимал ся в послѣдны рокы сильном против-державном пропагандом. Подробности слѣдства держат в тайні.

Напад на прокуратора во Львові. В часі анты-семитских експесов незнаны люди напали во Львові на ул. Гловинского на одного с прокураторов Окружного Суда, поляка, котрого приняли, віроятно за жида и ударили его кастетом по голові.

Тот инцидент выкликал в суді велике возмущенє.

Арест 150 комунистов в Лодзи. В послѣдном часі власти звернули увагу на діяльність соц.-комунистических рабочих союзов, где почала розвивати ся комунистична пропаганда.

Спостережено, же тоты союзы заняли вражду позицию к властям и иначе мыслячим работникам. Полиция приступила к ликвидации тых союзов и арестовала 150 людей, в том числі И. Штейнмана, Л. Гутмана, Б. Зисмана и Ю. Гольдфарба, котры руководили тыми рабочими, союзами.

В Крыниці Селі спалили ся дві хаты. Дня 23 т. м. от запаленой в комині сажы запалила ся в саме полудне стодола Семана Тыліцака. Помимо того, же скоро збігли ся люди и приїхали пожарны сторожи с Крыницы-Села, Крыницы-Здрою, Поворожняка и приватна с цегольні, огонь росширил ся с небывалом скоростью и обнял хату Семана Тыліцака и господарскы будынки и хату Цютея. О скорости росширяючого ся пожара свідчит факт, же не потрафлено спрятати стоячей на дворі новозкы. Ратунок был трудный, бо дул сильный вітер. Помимо того вытревальный труд пожарных сторожей потрафил зьлокализувати пожар.

Украли 160 тысяч злотых. Три урядники склада оружия на Цытаделі в Варшаві — Станислав Либерадский, Стефан Геймлик и Ст. Озимек уж от р. 1928 крали все покує. Таким способом украли всего 160.000 зл. Крадеж выкрито и суд засудил двоих перших по 5 літ, а Озимка на 3 літа тюрьмы.

ДЕРЖАВНЕ ЗАВЕДЕНЄ КУРАЦІЙНЕ
В БЕСКИДІ ЗАПАДНОМ

● КРЫНИЦА — ЗДРОЙ ●

Доїзд СКОРЫМА ПОїЗДАМИ через Тарнов - Новый Санч
ВАГОНЫ СЫПЯЛЬНЫ

15 жерел щав желізисто-земельных, богатых в безводник угля. — Здрой Зубера, найсильнійша щав алькалична Европы. (Польске Виши), купелі минеральны: квасо-углевы и боровиновы. КУПЕЛІ СОНЕЧНЫ. — Заведенє заосмотрене в найновійши приряды лічничи.

Пияльня и лазьнякы, огріваны в зимі центрально. — Дом здроевый. — Покои с теплом водом.

РЕСТАВРАЦИЯ, ДАНЦИНГ, ЧИТАЛЬНЯ, РАДИО.

Театр в сезоні головном, кино, спорты літны и зимушны.

Крыницкы воды лічат: хвороты сердца, жолудка, жолчи, печенкы, проводов мочовых, женочи, малокровіє, нервы. — Дійствуют добре на переміну материи и т. д.

КТО ХОЧЕ ЗАБЕЗПЕЧИТИ СЕБЕ НА СТАРОСТЬ И РОДИНУ
ОТ НУЖДЫ И ГОЛОДА, АБО ЗЛОЖИТИ ДІТЯМ ВІНО.

НЕХАЙ ЯКНАЙСКОРШЕ

за асекурує ся
в асекураційном Товаристві
ВИТА И КРАКОВСКЕ
во ЛЬВОВІ

Асекурацію принимают на цілой Лемковщині
представителі: гг. Осиф Ямовицкий — Крыница-Село
и Михаил Перелом — Сянок.